

(<https://news.usm.my>)

Berita Mutakhir

15 OCT

PELAJAR USM BERGOTONG-ROYONG BERSIHKAN PANTAI DI PULAU PINANG



GERTAK SANGGUL, 15 Oktober 2017 – Seramai 35 orang pelajar Universiti Sains Malaysia (USM) hari ini berkesempatan untuk bergotong-royong bersama penduduk kampung di pantai Gertak Sanggul, Balik Pulau, Pulau Pinang.

Menurut peserta, Mohd Uzair Ahmad, beliau bersyukur kerana dapat memerah keringatnya dalam program baktiswa ini dan berbakti untuk membersihkan pantai di sekitar Gertak Sanggul bersama rakan-rakan lain.

“Moga usaha kecil ini mampu memberi seribu satu makna dan pengalaman pada kami semua dan yang penting ialah mendapat hikmah yang lebih besar yakni pengalaman, pengukuhan jaringan, kesukarelawanan dan penghargaan yang amat besar bagi kami,” jelas mantan Yang Dipertua Majlis Perwakilan Pelajar USM Sidang 2016/2017 itu.



Uzair juga merakamkan penghargaan terima kasih kepada Penyelaras Najib Razak Club (NRC11), Nomi Juliana Min yang sudi memberi peluang kepada pelajar USM untuk secebis pengalaman berharga ini.

Rata-rata penduduk yang terlibat juga memberi maklum balas yang positif mengenai penganjuran aktiviti sebegini kerana ini sedikit sebanyak dapat mengeratkan hubungan antara pelajar institusi pengajian tinggi untuk berbakti bersama masyarakat setempat dalam kerja sosial sebegini.

Teks: Hafiz Meah Ghouse Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015